

BUDGET

2026 TAX GUIDE

Setswana



SARS
At Your Service

Bukana-kaelo eno ya lekgetho ya SARS e sobokanya tshedimosetso e e botlhokwa thata e e amanang le makgetho, makgetho a dithoto, le makgethwana a 2026/27.

LEKGETHO LA LOTSENO: BATHO KA BONGWE LE DITERASETE

Dilekanyo tsa lekgetho go tloga ka 1 Mopitlwe 2026 go fitlha ka di 28 Tlhakole 2027: Batho ka bongwe le Diterasete Tse di Kgethegileng

Letseno le le Kgethisegang (R)	Selekanyo sa Lekgetho
1 – 245 100	18% ya letseno le le kgethiswang
245 101 – 383 100	44 118 + 26% ya letseno le le kgethisegang le le fetang 245 100
383 101 – 530 200	79 998 + 31% ya letseno le le kgethisegang le le fetang 383 100
530 201 – 695 800	125 599 + 36% ya letseno le le kgethisegang le le fetang 530 200
695 801 – 887 000	185 215 + 39% ya letseno le le kgethisegang le le fetang 695 800
887 001 – 1 878 600	259 783 + 41% ya letseno le le kgethisegang le le fetang 887 000
1 878 601 le go feta	666 339 + 45% go feta 1 878 600

Tsa ntlha R17 820

Tsa bobedi (batho ba dingwaga di le 65 le go feta) R9 765

Tsa boraro (batho ba dingwaga di le 75 le go feta) R3 249

Dingwaga Kelo ya Lekgetho

Ka fa tlase ga dingwaga di le 65 R99 000

Dingwaga di le 65 go fitlha go tse di ka fa tlase ga 75 R153 250

Dingwaga di le 75 le go di feta R171 300

Diterasete (kwantle ga Diterasete Tse di Kgethegileng) selekanyo sa lekgetho = 45%

Lekgetho la Nakwana

Moduela lekgetho la nakwana ke motho yo o nnang le madi a lotseno a e seng tuelo go tswa go mothapi, ketleetso, kgotsa madi a motho a a duelwang ke mothapi wa gagwe pele ga nako; kgotsa yo o nnang le letseno le a le duelwang ke mothapi yo o sa kwadisiwang semolao. Motho ga a tlhoke go duela lekgetho la nakwana fa a sa tsamaise kgwebo epe, le fa letseno la gagwe le le kgethisegang:

- le sa fete kelo e e beetsweng lekgetho ya ngwaga wa lekgetho; kgotsa
- morokotso, dikarolelo, dikarolelo tsa dinaga di sele, rente ya khiriso ya thoto e e sa kgoneng go sutisiwa, le tuelo go tswa go mothapi yo o sa kwadisiwang, e tla nna R30 000 kgotsa ka fa tlase ga yone mo ngwageng wa lekgetho.

Baduela-lekgetho la nakwana ba tshwanetse go fopholetsa gore letseno la bone le le kgethisegang e tlile go nna bokae mo ngwageng wa go tlhatlhabiwa.

Dithoto tsa baswi ga se karolo ya baduela-lekgetho la nakwana.

Go Goga Tsholegelomolemo ya Tšhwantlha ya Letlole la Borolatiro

Letseno la Kgethiso (R)	Kelo ya Lekgetho
1 – 27 500	0% ya letseno le le kgethisegang
27 501 – 726 000	18% ya letseno le le kgethisegang le le fetang 27 500
726 001 – 1 089 000	125 730 + 27% ya letseno le le kgethisegang le le fetang 726 000
1 089 001 le go feta	223 740 + 36% ya letseno le le kgethisegang le le fetang 1 089 000

Go goga Tsholegelo ya Tšhwantlha ya Letlole la Borolatiro go akaretsa ditšhwantlha tsa phenšene, poloko ya phenšene, ya madi a borolatiro, poloko ya madi a borolatiro, kgotsa letlole la anyuithi ya borolatiro fa a gogwa (go akaretsa le go naya mogatso bontlhanngwe jwa one morago ga tlhalo).

Go kgethisa madi a tsholegelo ya tšhwantlha ya letlole le le kgethegileng la borolatiro (tšhwantlha X) go lekana le :

- Lekgetho le le balelelwang ka go dirisa lenaanethalo la lekgetho go bona lekgetho-kakaretso la tšhwantlha X, le ditsholegelo tse dingwe tsotlhe tse di gogilweng tsa letlole la borolatiro tse di kokotlegetseng go simolola ka Mopitlwe 2009, ditsholegelo tsotlhe tsa tšhwantlha ya letlole la borolatiro tse di kokotlegetseng go simolola ka Diphlane 2007, le diakolo tsotlhe tsa borolatiro tse di kokotlegetseng go simolola ka Mopitlwe 2011; go tlositswe:
- Lekgetho le le balelelwang ka go dirisa lenaanethalo la lekgetho go bona lekgetho-kakaretso la ditsholegelo tsotlhe tsa tšhwantlha ya letlole la borolatiro e e kokotlegetseng pele ga tšhwantlha ya X go tloga ka Mopitlwe 2009; ditsholegelo tsotlhe tsa tšhwantlha ya letlole la borolatiro tse di kokotlegetseng go simolola ka Diphlane 2007; le diakolo tsotlhe tsa borolatiro tse di kokotlegetseng go simolola ka Mopitlwe 2011.

Ditsholegelo Tsa Tšhwantlha ya Letlole la Borolatiro kgotsa Diakolo Tsa Borolatiro

Letseno la Kgethiso (R)	Kelo ya Lekgetho
1 – 550 000	0% ya letseno le le kgethisegang
550 001 – 770 000	18% ya letseno le le kgethisegang le le fetang 550 000
770 001 – 1 155 000	39 600 + 27% ya letseno le le kgethisegang le le fetang 770 000
1 155 001 le go feta	143 550 + 36% ya letseno le le kgethisegang le le fetang 1 155 000

Ditsholegelo tsa tšhwantlha ya letlole la borolatiro di akaretsa ditšhwantlha tsa phenšene, poloko ya phenšene, tsa borolatiro, poloko ya madi a borolatiro, kgotsa tsa anyuithi ya letlole la borolatiro ka nako ya loso, tsa borolatiro, kgotsa tsa go tlogela tiro ka ntlha ya go tshwara dingwaga di le 55, bolwetse, kotsi ya tsela, kgobalo, kgolofalo, fa o a tlhole o tlhokwa mo tirong, kgotsa fa mothapi a tswala kgwebo.

Diakolo tsa borolatiro di akaretsa ditšhwantlha tse di tswang go mothapi kgotsa tse di rulagantsweng le ene ka ntlha ya go tlogela ga gagwe tiro, go fedisa ga gagwe tiro ya gago, go latlhegelwa ke tiro, go sa diragadiweng ga konteraka mo tirong, go fedisiwa ga tiro ya gago, kgotsa go fetolwa ga kantoro ya motho kgotsa ga tiro ya gagwe.

Go kgethisa madi a tsholegelo ya tšhwantlha ya letlole le le kgethegileng la borolatiro (tšhwantlha kgotsa diakolo tsa borolwatiro Y) go lekana:

- Lekgetho le le balelelwang ka go dirisa lenaanethalo la lekgetho go bona lekgetho-kakaretso la tšhwantlha Y, le ditsholegelo tse dingwe tsotlhe tse di gogilweng tsa letlole la borolatiro tse di kokotlegetseng go simolola ka Diphlane 2007, ditsholegelo tsotlhe tsa tšhwantlha ya letlole la borolatiro tse di kokotlegetseng go simolola ka Mopitlwe 2007, ditsholegelo tsotlhe tsa tšhwantlha ya letlole la borolatiro tse di kokotlegetseng go simolola ka Mopitlwe 2009, le diakolo tsotlhe tse dingwe tsa borolwatiro tse di kokotlegetseng go simolola ka Mopitlwe 2011; go tlositswe:
- Lekgetho le le balelelwang ka go dirisa lenaanethalo la lekgetho go bona lekgetho-kakaretso la ditsholegelo tsotlhe tsa tšhwantlha ya letlole la borolatiro e e kokotlegetseng pele ga tšhwantlha ya Y go tloga ka Diphlane 2007; ditsholegelo tsotlhe tsa tšhwantlha ya letlole la borolatiro tse di kokotlegetseng go simolola ka Mopitlwe 2009; le diakolo tsotlhe tsa borolwatiro tse di kokotlegetseng pele ga ditsholegelo tsa diakolo tsa Y go tloga ka Mopitlwe 2011.

Dipeeletsomadi Tse di sa Duedisiweng Lekgetho

Dipeeletsomadi tse e leng tsa dikonteraka tsa dipeeletsomadi tse di sa duedisiweng lekgetho kgotsa dipholisi tse di tsenetsweng ke batho, dithoto tsa baswi, le boswa jo bo sa kgoneng go duela dikoloto jwa batho di lekanyeditswe go R46 000 mo ngwageng wa lekgetho.

Madi ao a amogetsweng kgotsa a a kokotlegetseng a dipeeletsomadi tse di sa duedisiweng lekgetho ga a duedisiwe lekgetho la letseno (go akaretsa le lekgetho la dipelo tsa thekiso-dithoto).

Dikarolelo

Dikarolelo tse di amogetsweng ke batho go tswa kwa ditlamong tsa Aforika Borwa gantsi ga di duedisiwe lekgetho la letseno, mme dikarolelo tsa lekgetho, ka kelo ya 20%, di tshwanetse go tshwarwa ke ditlamo tse di duelang batho dikarolelo. Dikarolelo tse di amogelwang ke batho ba e leng baagi ba Aforika Borwa go tswa go di-REIT (Real Estate Investment Trust). Ditlamo tse di nang le dikago/dithoto tse di kwadisitsweng le go tsamaisiwa semolao di duedisiwa lekgetho la letseno, mme bao e seng baagi ba naga ya rona ba amogela dikarolelo tse di ntseng jalo, ba amiwa fela ke go duela lekgetho la dikarolelo.

Dikarolelo Tsa Dinaga di Sele

Bontsi jwa dikarolelo tsa dinaga di sele tse batho ba di amogelang go tswa kwa ditlamong tsa dinaga di sele (fa e le gore dišere di fitlha go selekanyo se se ka fa tlase ga 10% kwa setlamong sa naga e sele) di duedisiwa selekanyo sa lekgetho se se fitlhang go 20%. Ga go a letlelelwa dikgogo dipe tsa madi a ditshenyegelo tsa go bona dikarolelo tsa dinaga di sele.

Morokotso o o sa Duedisiweng Lekgetho

Morokotso wa motho ope fela wa tlhago yo o ka fa tlase ga dingwaga di le 65 o o bonwang go tswa mo ditlamong tsa Aforika Borwa kgotsa wa dithoto tsa moswi, o o fitlhang go R23 800 ka ngwaga, ga o duedisiwe lekgetho la letseno. Batho ba ba nang le dingwaga di le 65 kgotsa go feta, ga ba duedisiwe lekgetho la letseno fa morokotso wa bone o fitlha go R34 500 ka ngwaga.

Morokotso o o amogelwang ke batho ba ba tswang kwa dinageng di sele ga o duedisiwe lekgetho, fa fela ba sa nna malatsi a a fetang 183 mo Aforika Borwa mo lobakeng lwa dikgwedi di le 12 pele morokotso o tsena kgotsa o duelwa. Mo godimo ga moo, sekoloto se se tsalang morokotso ga se duedisiwe lekgetho fa fela e le gore sekoloto seo ga se golagane le lefelo lengwe la leruri (jaaka lefelo la kgwebo) mo Aforika Borwa.

Dikgogomadi

Dituelo tsa Letlole la Borolatiro

Madi a a tsenngwang mo matloleng a phenšene, a borolatiro, le a anyuithi ya borolatiro ka nako ya ngwaga wa tshekatsheko a gogwa ke maloko a matlole ao. Madi ao bathapi ba a tsenyang mo letloleng a bo a kgethisiwa jaaka mesolegelo-tlaleletso a lejwa jaaka a a duetsweng ke bathapiwa ka bongwe.

Go lekanyeditswe kgogo ya 27.5% fela ya kelo ya moputso wa lekgetho la mothapiwa, kgotsa letseno la lekgetho (ka bobedi ga di akaretse ditšhwantlha tsa letlole la borolatiro le diakolo tsa borolwatiro). Dikgogo tsa madi di na le tekanyetso e e ka fa tlase ga R430 000 kgotsa 27.5% ya letseno le le kgethisegang, pele go akarediwa pelo ya matlotlo e e kgethisegang. Meneelo epe e e fetang ditekanyetso tse di beilweng e fetisediwa

go ngwaga o o latelang wa ditshekatsheko, e bile e tsewa e le meneelo ya ngwaga oo o o latelang. Madi ape a a fetisediwang go ngwaga o o latelang a fokodiwa ke meneelo e e setseng e ntsheditse go fokotsa lekgetho la ditšhwantlha tsa borolatiro kgotsa dianyuithi tsa borolatiro.

Ditshenyegelo tsa Kalafi le Tsa Bogolofadi

Go tlhotlhomisa lekgetho le le tshwanetseng go duelwa, batho ka bongwe ba ka ntsha pusetso ya lekgetho e e theilweng go meneelo ya kgwedi le kgwedi ya dikema tsa kalafi. Pusetso eo ya lekgetho e ka dirisiwa fela ke batho ba ba ntshitseng meneelo, e e fitlhang go R376 ya mongwe le mongwe wa batho ba ntlha ba babedi ba ba inšorilweng ke dikema tseo tsa kalafi, le R254 ya mongwe le mongwe yo o inšorilweng ke bone. Pusetso eno ya lekgetho e bidiwa putsego ya dituediso tsa lekgetho la sekema sa kalafi.

Pusetso e nngwe ya lekgetho ya ditshenyegelo tsa kalafi ke putsego e nngwe gape ya ditshenyegelo tsa kalafi tsa lekgetho. Mo kgannyeng ya fa:

- Motho yo o nang le dingwaga di le 65 kgotsa go feta, kgotsa fa wena, mogatso, kgotsa ngwana wa gago a tshela ka bogole, o ka dira topotuelo ya putsego ya ditshenyegelo tsa lekgetho ya bokana ka 33.3% ya ditshenyegelo tsa kalafi tse di amogelesegang tse o di duelang, le selekanyo sa meneelo e o e duelang sekema sa kalafi se se fetang dituediso tsa sekema sa kalafi makgetlo a le mararo
- Motho ope yo mongwe, yo o newang sekoloto sa lekgetho sa ditshenyegelo tsa kalafi sa boleng jwa 25% ya palogotlhe ya ditshenyegelo tse di amogelesegang tsa kalafi tse a di duelang, mme selekanyo sa madi a meneelo ya sekema sa kalafi se motho yono a se duelang se feta sekoloto sa lekgetho sa dituediso tsa sekema sa kalafi sa ngwaga makgetlo a le mane se se lekanyeditsweng madi a a fetang 7.5% ya letseno le le kgethisegang (kwantle ga ditšhwantlha tsa letlole la borolatiro le diakolo tsa borolwatiro).

Meneelo

Madi a a gogwang mo meneelong ya mekgatlho mengwe e e solegelang baagi molemo e lekanyeditse go 10% ya letseno le le kgethisegang (tse di sa akaretseng ditšhwantlha tsa letlole la borolatiro le diakolo tsa borolwatiro). Mo ngwageng o o latelang wa lekgetho, kelo ya meneelo e e fetang 10% ya letseno le le kgethisegang e tla tsewa e le moneelo wa mekgatlho e e tshwanelegang e e solegelang baagi molemo.

Diketleetso

Diketleetso le Madi a Ditshenyegelo

Fa moamogedi wa diketleetso le madi a ditshenyegelo a patelesega go tswa mo bonnong jwa gagwe jwa ka gale mme a ye go robala go sele bobotlana bosigo bo le bongwe ka ntlha ya tiro, mme marobalo ao diketleetso le madi ao a ditshenyegelo di amanang le one a le mo Rephaboliking ya Aforikwa Borwa, mme diketleetso kgotsa madi a ditshenyegelo e le a go duelela:

- Dijo le ditshenyegelonyana tse dinnye tse di sa lebelelwang, go tla tsewa gore o dirisitse selekayo sa R595 ka letsatsi; kgotsa
- Go tla tsewa gore mo ditshenyegelong tse dinnye tse di sa lebelelwang o dirisitse bokana ka R184 ka letsatsi.

Fa marobalo ao diketleetso le madi ao ditshenyegelo di amanang le one a le ka kwa ntle ga Rephaboliki ya Aforika Borwa, go tla tsewa gore o dirisitse selekanyo se se rileng sa madi sa naga ka nngwe. Dintlha tsa dilekanyo tseno tsa madi di phasaladitswe mo webosaeteng ya SARS (www.sars.gov.za), ka fa tlase ga Legal Counsel (Kgakololo ya Semolao) / Secondary Legislation (Molao wa Bobedi) > Ditsebe tsa webo tsa Dikitsiso tsa Lekgeho.

Fa motho a newa diketleetso le madi a ditshenyegelo mme a bo a fetsa letsatsi a se mo bonnong jwa gagwe jwa ka gale ka ntlha ya tiro, madi ape a ba a busediwang a ditshenyegelo kgotsa a ba a newang go sa le pele ga a gogelwe lekgetho. Go sa gogelweng lekgetho gono ga one go dirwa fa e le gore moamogedi wa one o letleletswe ke mothapi wa gagwe gore a nne le ditshenyegelo tsa dijo le ditshenyegelo tse dingwe tse dinnye tsa letsatsi leo, mme selekanyo sa ditshenyegelo tseo se sa fete R184.

Diketleetso Tsa Loeto

Direiti tsa kilometara ka nngwe mo lenaanethalong di bontsha gore o ka ntshetsa madi a leeto la kgwebo bokae fa o sa dire ditopotuelo tsa ditshenyegelo mme o neilwe diketleetso kgotsa madi a ditshenyegelo.”

Boleng jwa Koloji (Go Akaretsa VAT) (R)	Ditshenyegelo Tse di Tlhomameng (R p.a.)	Ditshenyegelo Tsa Leokwane (c/km)	IDitshenyegelo tsa Paakanyo ya Koloji (c/km)
0 – 115 000	38 344	132.9	49.1
115 001 – 230 000	68 487	148.4	61.4
230 001 – 345 000	98 689	161.2	67.8
345 001 – 460 000	125 393	173.4	74.0
460 001 – 575 000	152 097	185.5	86.9
575 001 – 690 000	180 078	212.8	102.0
690 001 – 805 000	208 106	216.5	114.5
805 001 – 920 000	237 679	220.1	126.9
Go tlola 920 000	237 679	220.1	126.9

Ela tlhoko:

- Go balelela PAYE, 80% ya diketleetso tsa leeto e tshwanetse go akarediwa mo tuelong ya mothapiwa. Peresente e fokodiwa go fitlha go 20% fa mothapi a kgotsofaletse gore bobotlana 80% ya tiriso ya koloji mo ngwageng wa lekgetho e tla nna ya tiro.
- Ga go kitla go duelelwa ditshenyegelo dipe tsa leokwane fa e le gore mothapiwa ga a duelela ditshenyegelo tsotlhe tsa leokwane le le dirisitsweng mo koloing, e bile ga a kitla fa dira topotuelo ya go baakanya koloji fa e le gore mothapiwa ga a duelela ditshenyegelo tsotlhe tsa go baakanya koloji (s.k. fa koloji e duelelwa polane ya go e tlhokomela).
- Ditshenyegelo tse di tlhomameng di tshwanetse go fokodiwa ka go lekalekana fa (pro rata) fa e le gore koloji e dirisediwa kgwebo ka fa tlase ga sebaka sa ngwaga.
- Sekgala se se tsamailweng mo ngwageng wa lekgetho, le sekgala se se tsamailweng ka tsa tiro, se se supiwang ke logbook, di dirisediwa go tlhotlhomisa ditshenyegelo tse di letleletsweng go tswa go diketleetso tsa leeto.

Go farologana le moo, fa diketleetso kgotsa ditshenyegelo di theilwe go sekgala se se tsamailweng ke mothapi mo tirong, diketleetso tse a di duetsweng ke mothapi wa gagwe ga di kitla di duedisiwa lekgetho, go fitlha go R4.95 kilometara ka nngwe, go sa kgathalesege boleng jwa koloji.

Le fa go ntse jalo, seno ga se kitla se dirwa fa e le gore mothapi o duetse mothapiwa pusetso e nngwe ka go mo naya diketleetso kgotsa pusetso ya ditshenyegelo (kwantle ga a go phaka koloji le dituediso tsa di-toll tsa koloji.)

Dikgogomadi Tse Dingwe

Kwantle ga dikgogomadi tse di umakilweng fa godimo, motho a ka dira topotuelo ya dikgogomadi fa fela a dirisitse madi a letseno la gagwe la tiro kgotsa diketleetsa mo maemong a a rileng a a lekanyeditsweng, s.k. dikoloto tse dintsi tsa salari ya gagwe.

Mesolegelo-Tlaleletso

Dikoloi Tsa Mothapi

- Boleng jo bo kgethisegang ke 3.5% jwa ditshenyegelo tsa kheshe, go akaretsa VAT ya koloi nngwe le nngwe ka kgwedi.
- Fa koloi:
 - » E na le polane ya tlhokomelo fa mothapi a ne a e reka, boleng jo bo kgethisegang ke 3.25% jwa boleng jo bo tlhotlhomisitsweng; kgotsa
 - » E mothapi a e hiretseng go e dirisa, boleng jo bo kgethisegang ke ditshenyegelo tse mothapi a nnang le tsone ka fa tlase ga tumalano ya khiri le ditshenyelo tsa leokwane.
- 80% ya mesolegelo-tlaleletso e tshwanetse go akarediwa mo tuelong ya mothapi go balelela PAYE. Peresente e fokodiwa go fitlha go 20% fa mothapi a kgotsofaletse gore bobotlana 80% ya tirisano ya koloi mo ngwageng wa lekgetho e tla nna ya tiro.
- Fa go dirwa ditshekatsheko, mesolegelo-tlaleletso ya ngwaga wa lekgetho e fokodiwa ka rešio ya sekgala se se tsamailweng sa tiro, se se supiwang ke logbook, se bo se arolwa ka sekgala se se tsamailweng mo ngwageng wa lekgetho.
- Fa go dirwa ditshekatsheko, go na le phokotso go ya pele ya ditshenyegelo tsa laesense, tsa inšorensense, tsa tlhokomelo ya koloi, le tsa leokwane la maeto a poraefete.
 - fa ditshenyegelo tsoatlhe di duetswe ke mothapiwa, le fa sekgala se se tsamailweng sa maeto a poraefete a supiwa ke logbook.

Dikadimomadi Tse di Senang Morokotso kgotsa tsa Morokotso o o Kwa Tlase
Pharologano fa gare ga morokotso o o duediswang ka kelo ya semmuso le kelo ya ka gale ya morokotso e e duediswang e tshwanetse go akarediwa mo letsenong lotlhe.

Bonno

Boleng jwa mesolegelo-tlaleletso e e tshwanetseng go tsenngwa mo letsenong lotlhe e tshwanetse go nna jo bo kwa tlase jwa mesolegelo-molemo e e balelelwang ka go dirisa fomula e e dirisediwang go balelela, kgotsa ditshenyegelo tsa mothapi fa e le gore bonno ga se jwa mothapi.

Fomula e tla dirisiwa fa bonno e le jwa mothapi, mme ga e dirisediwe bonno jwa malatsi a boikhutso jo bo hirilweng ke mothapi go tswa kwa ditheong tse di sa amaneng le setlamo.

LEKGETHO LA LETSENO: DITLAMO

Selekanyo sa lekgetho la ditlamo ke sa dingwaga tsa tshekatsheko tse di felang ka letlha lepe fela go tloga ka 1 Moranang 2026 go fitlha ka 31 Mopitlwe 2027.

Mofuta	Selekanyo sa Lekgetho
Ditlamo	27% ya letseno le le kgethisegang

LEKGETHO LA LETSENO: DIKOPORASI TSA DIKGWEBO-POTLANA

Dilekanyo tsa lekgetho la Dikoporasi Tsa Dikgwebo-Potlana di dirisediwa dingwaga tsa tshekatsheko tse di felang ka letlha lepe fela go tloga ka 1 Moranang 2026 go fitlha ka 31 Mopitlwe 2027.

Letseno le le Kgethisegang (R)	Selekanyo sa Lekgetho (R)
1 – 99 000	0% ya letseno le le kgethisegang
99 001 – 365 000	7% ya letseno le le kgethisegang le le fetang 99 000
365 001 – 550 000	18 620 + 21% ya letseno le le kgethisegang le le fetang 365 000
550 001 le go feta	57 470 + 27% ya madi a a fetang 550 000

LEKGETHO LA LETSENO LA DIKGWEBO-POTLANA

Lekgetho la Letseno la Kgwebo-potlana le dirisiwa mo bathong ka bongwe go tloga ka di 1 Mopitlwe 2026 go fitlha ka di 28 Tlhakole 2027 le dingwaga tsa tshekatsheko le dingwaga tsa tshekatsheko tsa ditlamo tse di felang ka letlha lepe fela go tloga ka 1 Moranang 2026 go fitlha ka 31 Mopitlwe 2027.

Letseno la Kgwebo le le Kgethisegang (R)	Selekanyo sa Lekgetho (R)
1 – 600 000	0% ya letseno la kgwebo le le kgethisegang
600 001 – 950 000	1% ya letseno la kgwebo le le kgethisegang le le fetang 600 000
950 001 – 1 400 000	3 500 + 2% ya letseno la kgwebo le le kgethisegang le le fetang 950 000
1 400 001 le go feta	12 500 + 3% ya letseno la kgwebo le le kgethisegang le le fetang 1 400 000

KGETHISO E E IKAEGILENG KA BONNO

Baagi ba kgethisediwa letseno la bone le le tswang gope fela mo lefatsheng lotlhe, mme go na le matseno mangwe ao a ka nnang a se ka a duedisiwa. Molawana-kakaretso o o dirisiwang ke wa gore letseno go tswa kwa dinageng di sele le duedisiwa lekgetho mme lekgetho leo ga le kitla le duelwa gape mo Aforika Borwa. Molawana ono o dirisiwa go batho ka bongwe, ditlamo, ditlamo tsa mokopelwa, diterasete, le dithoto.

KGETHISO YA POELO-MATLOTLO

Dipoelo tsa matlotlo fa go kgaoganwa le tsone di akarediwa mo letsenong le le kgethisegang.

Selekanyo sa Lekgetho se se Kwa Godimo go Tamaisana le Letseno

Batho ka bongwe le diterasete tse di kgethegileng	18%
Ditlamo	21.6%
Diterasete tse dingwe	36%

Ditiragalo tse di bakang go kgaogana le matlotlo di akaretsa go a rekisa, go a aba, go a ananya, go latlhega ga one, loso, le go fudugela kwa nageng e sele. Go latela fano dipoelo tse di rileng tse di sa akarediweng:

- Poelo kgotsa tatlhegelo ya R3 000 000 ya go kgaogana le ntlo ya konokono;
- Bontsi jwa matlotlo a tiriso ya ka namana;
- Mesolegelo ya go rola tiro;
- Dituelo tsa dipholisi tsa ntlha tsa inšorensense ya lobaka lo lo leele;
- Go sa akarediwe ga ngwaga le ngwaga ga poelo ya matlotlo ya R50 000, kgotsa tatlhegelo ya matlotlo, go go direlwang batho ka bongwe le diterasete tse di kgethegileng;
- Go sa akarediwe ga kgwebo-potlana mo poelong ya matlotlo ya R2.7 milione ya batho ka bongwe (bao bobotlana ba nang le dingwaga di le 55) fa go kgaoganwa le kgwebo-potlana ya boleng jwa mmara jo bo sa feteng R15 milione; mme
- Go sa akarediwe ga ngwaga le ngwaga ga batho ka bongwe go okediwa go fitlha go R440 000 mo ngwageng wa loso.

LEKGETHO LA DIKAROLELO

Lekgetho la dikarolelo ke lekgetho la bofelo la selekanyo sa 20%, la dikarolelo tse di duelwang ke ditlamo tsa naga ya rona, le ke ditlamo tse e seng tsa naga ya rona tseo dishere tsa tsone di kwadisitsweng kwa Johannesburg Stock Exchange kgotsa kwa ditheong tse dingwe tsa kananyo tsa Aforika Borwa tse di nang le dilaesense. Dikarolelo di newa tseletso ya lekgetho fa mong wa dikarolelo tseo e le setlamo sa Aforika Borwa, letlole la borolatiro, kgotsa motho yo mongwe yo o neilweng tseletso ya lekgetho. Baja-boswa ba dikarolelo ba e seng ba naga ya rona ba ka solegelwa molemo ke go fokolelwa selekanyo sa lekgetho mo maemong a a lekanyeditsweng. Lekgetho la dikarolelo le tshwanetse go tshwarwa ke ditlamo tse di duelwang dikarolelo tse di kgethisegang, kgotsa ke ditlamo-potlana tse di laolwang fa dishere tsa tsone di kwadisitswe kwa setheong sa kananyo. Lekgetho la dikarolelo (kwantle ga la kheshe) le duelwa ke setlamo se se begang le go duela dikarolelo.

MAKGETHO A MANGWE A A TSHWARWANG

Mo maemong a a lekanyeditsweng, selekanyo se se tlhomilweng sa lekgetho se ka nna sa fokodiwa go ya ka tumalano ya lekgetho e motswa-gosele a e dirileng le naga e a fudugetseng mo go yone.

Dikungwelo

Lekgetho la bofelo la selekanyo sa 15% le duedisiwa palogotlhe ya dukungwelo tse di tswang mo Aforika Borwa tse di duelwang batswa-gosele.

Morokotso

Lekgetho la bofelo la selekanyo sa 15% le duedisiwa morokotso o o bonwang mo Aforika Borwa, o o duelwang batswa-gosele. Tseletso ya lekgetho e nna teng fa le duelwa ke lefapha lepe fela la puso ya Aforika Borwa kgotsa banka, kgotsa fa sekoloto se kwadisitswe kwa setheong se se itsegeng sa kananyo.

Badiragatsi ba Dinaga di Sele le Borametshameko

Lekgetho la bofelo la selekanyo sa 15% le duedisiwa batswa-gosele ba ba duelelwang dipalogotlhe tsa madi a ditiro tse ba di dirang mo Aforika Borwa jaaka badiragatsi kgotsa borametshameko.

Go Kgaogana le Thoto e e sa Kgoneng go Sutisiwa

Lekgetho la nakwana le a tshwarwa mo boemong jwa batswa-gosele ba e leng barekisi ba thoto e e sa kgoneng go sutisiwa mo Aforika Borwa, moragonyana ba bo ba le duedisiwa jaaka lekgetho la ka gale le le tlwaelegileng le ba tshwanetseng go le duela. Lekgetho le le tshwanetseng go tshwarwa fa go duelwa batswa-gosele ke la selekanyo sa 7.5% mo mothong yo o tswang kwa nageng e sele, 10% mo setlamong sa naga e sele, le 15% ya terasete ya naga e sele e e rekisang thoto e e sa kgoneng go sutisiwa.

MAKGETHO A MANGWE, MAKGETHO A DITHOTO, LE MAKGETHWANA

Value-Added Tax (VAT)

VAT e duedisiwa ka selekanyo sa tekanyetso ya 15% fa bagwebi ba ba kwadisitsweng ba tlamela ka dithoto le ditirelo.

Morekisi yo o tlamelang ka dithoto tse di kgethisegang tsa boleng jo bo fetang R2.3 milione ka ngwaga o tshwanetse go ikwadisetsa VAT. Morekisi yo o tlamelang ka dithoto tse di kgethisegang tsa boleng jo bo fetang R120 000, mme bo sa feta R2.3 milione ka ngwaga, a ka nna a dira kopo ya go ithaopela go ikwadisa. Ditlamelwa dingwe ga di duedisiwe lekgetho, kgotsa di neilwe tseletso ya VAT.

Lekgetho la Phetiso

Lekgetho la phetiso le duelwa ka dilekanyo tse di latelang mo kgwebisanong ya dithoto tse di sa duelelweng VAT.

Boleng jwa Thoto (R)	Selekanyo
1 – 1 210 000	0% ya boleng
1 210 001 – 1 663 800	3% ya boleng jo bo fetang R1 210 000
1 663 801 – 2 329 300	R13 614 + 6% ya boleng jo bo fetang R1 663 800
2 329 301 – 2 994 800	R53 544 + 8% ya boleng jo bo fetang R2 329 300
2 994 801 – 13 310 000	R106 784 + 11% ya boleng jo bo fetang R2 994 800
13 310 001 le go feta	R1 241 456 + 13% ya boleng jo bo tlolang R13 310 000

Lekgetho la Dithoto

Lekgetho la dithoto le duelelwa kago ya banni le dithoto tsa Aforika Borwa tsa batho ba e seng baagi ba naga ya rona, go sa akarediwe dikgogomadi tse di letlelelwang. Lekgetho leno le duelwa e le boleng jwa lekgetho la dithoto, ka selekanyo sa 20% sa R30 milione ya ntlha, le ka selekanyo sa 25% fa boleng bo feta R30 milione.

Kgogomadi ya motheo ya R3.5 milione e letleletswe go tlotlhomisa gore lekgetho la dithoto le le tshwanetseng go duelwa ke bokae, le gore boleng jwa tsone bo tshwanetse go gogelwa bokae, boswa jo bo tlogelelwang mekgatlho e e solegelang baagi molemo, le dithoto tse di salelang molekane yo o swetsweng

Lekgetho la Meneelo

Lekgetho la meenelo le duedisiwa kelo e e tlhomameng ya 20% ya boleng jo bo kokotlegetseng jwa thoto e e abilweng go tloga ka di 1 Mopitlwe 2018, jo bo sa feteng R30 milione; ka kelo ya 25% ya boleng jo bo kokotlegetseng jwa thoto e e abilweng go tloga ka di 1 Mopitlwe 2018, jo bo fetang R30 milione.

R150 000 ya ntlha ya kago e e abilweng ka ngwaga mongwe le mongwe wa lekgetho ke motho wa tlhago e newa teseletso ya lekgetho la meneelo.

Mo kgannyeng ya moduela-lekgetho yo e seng motho wa tlhago, meneelo e e neilweng teseletso ya lekgetho ke ya dimpho tse palogotlhe ya tsone e sa feteng R20 000 mo ngwageng wa lekgetho.

Fa motho a rekisetsa mogatsaagwe thoto, mme yo o e rekang a nna mo nageng e a duelang lekgetho mo go yone; meneelo mo gare ga setlhopha se se bopang ditlamo tsa Aforika Borwa; le meneelo e e ntshediwang mekgatlho e e rileng e e solegelang baagi molemo ga e duedisiwe lekgetho.

Lekgetho la Phetiso ya Disekhuriti

Lekgetho la phetiso ya disekhuriti le duedisiwa ka kelo ya 0.25% fa go fetisiwa disekhuriti tse di kwadisitsweng kgotsa tse di sa kwadiswang. Disekhuriti di na le dišere mo ditlamong, kgotsa di na le merokotso ya maloko mo ditlamong tsa mokopelwa.

Lekgetswana la Thuto ya Dikgono-Tiro (SDL)

SDL e duelelwa ke bathapi ka kelo ya 1% ya moputso otlhe o o duelwang badiri. Bathapi ba ba duelang moputso wa ngwaga le ngwaga o o ka fa tlase ga R500 000 ba newa teseletso ya go duela Lekgetswana la go Ruta Batho Dikgono-Tiro (SDL).

Meneelo ya Inšorensense ya Botlhokatiro

Meneelo ya inšorensense ya botlhokatiro e duelwa kgwedi le kgwedi ke badiri, e theilwe go moneelo wa 1% wa bathapi le 1% ya badiri, go ya ka moputso wa badiri o o ka fa tlase ga selekanyo se se rileng.

Bathapi ba ba sa ikwadisetsang PAYE kgotsa SDL ba tshwanetse go duela Tlhogo ya Letlole la Inšorensense ya Botlhokatiro

DIKELO TSA MOROKOTSO TSA SARS


Kelo ya Morokotso (go tloga ka 1 Sedimonthole 2025)	Kelo
Mesolegelo-Tlaleletso — kadimo-madi e e senang morokotso kgotsa ya morokotso o o kwa tlase ka ranta (kelo ya semmuso)	7.75% p.a.
Dikelo tsa Morokotso (go tloga ka 1 Mopitlwe 2026)	Kelo
Lekgetho le le duetsweng morago ga nako kgotsa le le sa duelwang lotlhe	10.25% p.a.
Pusetso ya madi a mantsi go feta a go duetsweng lekgetho la nakwana ka one	6.25% p.a.
Pusetso ya lekgetho morago ga go atlega ga boikuelo kgotsa morago ga go amogela boikuelo ga SARS	10.25% p.a.
Pusetso ya VAT morago ga lobaka lo lo beilweng	10.25% p.a.
Go duela VAT morago ga nako	10.25% p.a.
Makgetho le makgetho a dithoto	10.25% p.a.

Dintlhakgolo Tsa Bajete

Borakete jwa Lekgetho la Letseno la Motho ka Bongwe le diphetogo tsa pusetso ya lekgetho go thusa batho ka ditlamorago tsa infoleishene.



Go oketsa tekanyetso ya ikwadiso e e tlamang ya VAT gore e nne **R2.3 milione**




Go oketsa tekanyetso ya Poloko ya Meneelo e e sa Duedisiweng Lekgetho go **R46 000** ka ngwaga



Koketso ya **3.4%** ya makgetho a dithoto tsa dinotagi le dikumo tsa motsoko.



Koketso ya Lekgethwana-Kakaretso la Leokwane la peterolo ka **disente di le 9** litara ka nngwe, le disile ka **disente di le 8** litara ka nngwe.



Koketso ya Lekgethwana la Letlole la Dikotsi Tsa Tsela la peterolo le disele ka **disente di le 7**.



Koketso ya Lekgetho la Khabone la Leokwane ka **disente di le 5** litara ka nngwe ya peterolo, le disele ka **disente di le 6** litara ka nngwe.



Ditherisano go ya pele ka lekgetho la bosetšhaba la go Betšha mo mafaratlhatlheng ka 2026.

